

Arkivnr: 2018/17462-14
Saksbehandlar: Eirik Knive, Britt Karen Spjeld

Saksframlegg**Saksgang**

Utval	Saknr.	Møtedato
Utval for kultur, idrett og regional utvikling		24.04.2019

Friluftslivets ferdselsårer 2019**Samandrag**

I regjeringa sin handlingsplan for friluftsliv (2018) vert det lagt til rette for eit nasjonalt prosjekt i perioden 2019-2023 for å identifisere, ivareta, utvikle og tilrettelegging av friluftslivets ferdselsårer gjennom ein eigen plan i kvar kommune. Målet for prosjektet er fleire ut på tur, at befolkninga utøvar friluftsliv jamlegare, auke tilgjengelegheita for å utøve friluftsliv og få flest mogleg kommunar til å utarbeide planar for friluftslivets ferdselsårer for å systematisere dette arbeidet.

Friluftslivets ferdselsårer er ei naturleg vidareføring av det gode arbeidet kommunane har gjort med kartlegging og verdisetting av friluftsområde (som vert fullført i alle kommunane i Hordaland i 2019) og det nasjonale turskiltprosjektet (2014-2018) knytt til merking og gradering av turløyper.

Det er no utvikla ein eigen rettleiar frå Miljødirektoratet for å få legge til rette for ein god systematisk og metodisk tilnærming til dette arbeidet [Plan for friluftslivets ferdselsårer \(M-1292\)](#). Rettleiaren presenterer ein metode for korleis friluftslivets ferdselsårer kan identifiserast, takast vare på og vidareutviklast på ein systematisk måte. Prosjektet skal auke kunnskapsgrunnlaget om ferdselsårene kommunar har, kva behov dei dekker og korleis dei kan utviklast for å skape meir aktivitet i eit heilskapleg prosjekt i kvar kommune.

Detaljert skildring av prosjektet er skildra i rettleiaren (M-1292). Arbeidsprosessen har 4 steg:
Steg 1: Oppstart - forankring/vedtak, utarbeide prosjektplan og etablere prosjektgruppe og annonsering
Steg 2: Kartlegge nå-status - ferdselsårer, turruter og målpunkt, supplere kartlegging ved involvering av eksterne, registrere traséar og målpunkt relevant for arbeidet og innhente anna relevant informasjon.
Steg 3: Kvalitetssikre mål, foreslå tiltak, prioritere
Steg 4: Samanstill planen, høyring og vedtak.

Hordaland fylkeskommune si rolle i prosjektet er prosjektleiing og koordinering regionalt, rekruttere og motivere kommunar til igangsetting, følgje opp enkeltkommunar med rettleiing, leie arbeidet med regionale sti- og løypeplanar, leggje til rette for erfaringsutveksling, og opprette ei regional rådgjevande gruppe for å sikre tverrfagleg arbeid i prosjektet (m.a. dei regionale friluftorganisasjonane vert involvert i arbeidet).

Miljødirektoratet har for 2019 sett av kr 4 mill. til steg 1 og 2 i arbeidet med friluftslivets ferdselsårer. Fylkeskommunane kunne søke tilskotsmidlar på vegne av seg sjølv og deltakande kommunar med frist 1. april. Ordninga krev minimum 50% eigenfinansiering. Hordaland fylkeskommune søkte om 535 000 kr frå ordninga (til prosjektleiar, fagsamling og arbeid i 9 kommunar), og vil få svar på søknaden frå Miljødirektoratet innan 20. april 2019.

Ved utlysning av den fylkeskommunale tilskotsordninga friluftslivets ferdselsårer vart 15. februar sett som søknadsfrist for å kunne samordne denne tilskotsordninga med andre statlege og fylkeskommunale ordningar som fylkeskommunen forvaltar. Miljødirektoratet vart forsinka i arbeidet med rettleiaren for friluftslivets ferdselsårer og den først vart presentert under sti-konferansen 12.-13. mars 2019 i Bergen. Det gjorde det utfordrande å setje konkrete retningslinjer for utlysninga i desember 2018 og kommunisere konkret ut til kommunane i Hordaland kva arbeidet innebar. Det er hovudårsaken til at det er få søknadar i denne runden.

Av utlysningsteksten går det fram at ein få støtte til prosjekt som gjer dei aktive vala enkle for barn og ungdom i lokalmiljøa gjennom fremje planlegging, opparbeiding, skilting og merking av samanhengande nettverk av turstiar i kommunane. Tiltak der målgruppa har medverka blir prioritert. Vi oppmodar kommunar og organisasjonar til å samarbeide. Det blir ikkje løyvd tilskot til anlegg som kan søke spelemidlar eller til drift av anlegg. Prioriterte prosjekt er:

- Registrering av data inn i nasjonal database for tur- og friluftsruter (rettikartet.no)
- Utarbeiding av ein heilskapleg kommunal plan for friluftslivets ferdselsårer, i samsvar med rettleiar frå Miljødirektoratet.
- Dokumentasjon av ferdsel på turveg, sti- og løypetrasear (turteljarar)
- Merking og gradering av eksisterande ferdselsårer (turvegar, turstiar og turløyper) og/eller turkort

Det kom inn 9 søknadar der 6 fyller vilkåra for tilskot.

Fylkesrådmannen foreslår at det vert sett av kr 1.031.000 til ei ny utlysning retta mot kommunane med søknadsfrist 1. oktober 2019, med handsaming i utval for kultur, idrett og regional utvikling 12. november. Før den tid vil fylkeskommunen motivere og rekruttere kommunar til å delta i prosjektet, følge opp enkeltkommunar med rettleiing og koordinering, etablere ei rådgivande gruppe for å sikre godt tverrfagleg arbeid og presentert friluftslivets ferdselsårer på dialogkonferanse idrett og friluftsliv 17.-18. september. Kvinnerad kommune har søkt om midlar til å starte det heilskaplege arbeidet med friluftslivets ferdselsårer, og vil såleis kunne dele erfaringar undervegs med andre kommunar.

Økonomi: Fylkestinget løyvde kr 1.305.000 til friluftslivets ferdselsårer i desember 2018. I tillegg er det kr 694.000 i inndregne midlar frå Turskiltprosjektet (Gjensidigestiftinga midlar og fylkeskommunale midlar). Såleis er det totalt kr 1.999.000 for ordninga.

Klima: Prosjektet vil føre til eit planstyrt arbeid med tilrettelegging av friluftslivets ferdselsårer slik at dei rette tiltaka vert gjort på dei rette stadane til rett tid.

Folkehelse: Tiltaket er med å gjennomføre det overordna målet for folkehelsearbeidet i Hordaland som er å bidra til eit langsiktig og systematisk arbeid som gir fleire gode leveår, og som utjamnar sosiale helseforskjellar.

Regional planstrategi: Tiltaka er med på gjennomføring av punkt 2.2 i regional planstrategi: eit inkluderande samfunn. Aktivitetar i nærmiljøet bidreg til å styrke sosiale relasjonar gjennom verdifulle og helsefremjande opplevingar.

Generelt	
Budsjett 2019	1 999 000
Søknadsfrist 2019	15. februar
Vedtak kriterier og informasjon om ordninga:	Friluftslivets ferdselsårer
Tal på søknadar	9
Tal på søknadar som er tilrådd støtte	6
Samla søknadssum	744 000
Tilrådd til fordeling	433 000
Eigenfinansiering søknad om statlege midlar til prosjekt friluftslivets ferdselsårer	535 000
Ny utlysning retta mot kommunane med søknadsfrist 1. oktober 2019	1 031 000

Forslag til vedtak

Utval for Kultur, idrett og regional utvikling vedtek tildeling til friluftslivets ferdselsårer for 2019 kr 1.999.000 over budsjettpost 400.450.27 slik:

1. Det vert løyvd kr 535 000 til eigenfinansiering til søknad om statlege midlar frå Miljødirektoratet til prosjekt friluftslivets ferdselsårer for 2019.
2. Det vert sett av kr 1.031.000 til ei ny utlysning retta mot kommunane med søknadsfrist 1. oktober 2019, med handsaming i utval for kultur, idrett og regional utvikling 12. november.
3. Fordeling til innkomne søknadar som vist i tabell under:

Nr	Søkar	Kommune	Kostnad	Tilråding
1	Bergen og Omland friluftsråd	Bergen, Fjell	80 000	40 000
2	Bergen og Omland friluftsråd	Bergen	94 200	47 000
3	Dale barne-og ungdomsskule	Vaksdal	60 000	30 000
4	Fana Bygdens Venner	Bergen	30 000	0
5	Fyllingen BBK	Bergen	52 000	0
6	Kvinnherad kommune	Kvinnherad	500 000	250 000
7	Odda/ Ullensvang Turlag	Odda	1 100 000	0
8	Redningshytten på Gullfjellet	Bergen	12 767	6 000
9	Stamnes idrettslag	Vaksdal	126 000	60 000
	Totalt		2 054 967	433 000

Ingrid Kristine Holm Svendsen
kst. fylkesrådmann

Per Morten Ekerhovd
fylkesdirektør kultur og idrett

Saksframlegget er godkjent elektronisk og har derfor inga underskrift.

Fylkesrådmannen, 03.04.2019

Tabell med skildring av søknadar med vurdering er vedlagt.